

صاحب امتیازی :

شهبندر زاده فلبه لی

۱ محمد صلمی

اداره و تحریر محلی

جفال اوغلی جاده سنده دائره مخصوصه در .

مخابرات صاحب امتیاز ایله جریان ایتمه لی در .

نشری تاریخندن اون کون کچمش نسخه لر

ایکی غروشددر



شرائط اشتراك :

برسته لکی ۹۵ آتی آیلمی ۵۴ پوسته اتحادینه

داخل ممالك اجنبیه ایچون قرق فرانقدر

غروشددر .

اداره مدیری فلبه لی

محمدذهنی

اعلان ایچون اداره مدیری

محمدذهنی بکه مراجعت ایدیلیر .

عثمانی قهرمانلرینک هجوم قهرمانانه سی، داغلیرلرک
رزالنه رجعت وقرارلرینی انتاج ایتشدرد.

اعلان حربه قدر

اعلان حربه قدر قاراداغلیلرک برنوع چته محاربه سی
یاباجقیلری آکله شیلور . منتظم هجوم ایچون ،
صربلیرله متفقاً حرکت ایدمک زمانی یعنی اعلان
حربی بکلورلر .

بولغاز حدودنده

چته محاربه لری دوام ایدیورسده مهم دکلدر .
بولغازلر حرمانلی اردوسنی تقویه چالیشیرلر . هنوز
تحشیداتلری نقصاندر . اوروپادن کلن قلمی خبرله
کوره بولغازلر ، حدوده ایجاب ایدن طویلری سوق
ایدمه مشلردر .

باره و ارزاقده صیقیندی چکدکلری محققدر .
هنوز میدان چیقیمیورسده بولغازستان منوسط صنفی
یعنی تجارلر وزراع ، وضعیتی . ایوسانه تنقی به باشلا-
مشلردر . برعکس عمل مایخوطلدر .

دونانمزدن قورقورلر

بولغازلر ، عثمانلی دونانمزدن فوق العاده
قورقمده درلر . بولغازلر ، بوتون قوتلرینی حدودله
سوق ایدیورلر . اولجه رومانیا دن قورقورلردی .
بو ، اردولرینک برقسم قوتی رومانیا حدودینه
سوقه اولری مجبور ایدمک چکدی . روسیه نك تشبثی
اوزرینه رومانیا حدودی تحت تأمین آلیشقله بولغاز-
ستان ، بوتون قوتی کوستدیل وحرمانلی جهتلرینی
تقویه صرف ایدمک چکدی .

بورغاز وقره دکز سواحلی قورقوسی ، بولغاز-
ستان پیلانلرینی تعلیل ایتدی بولغازلر
قورقور . احتمال که حاملرینه بوخصرص ایچون
مراجعت ایتشدردلر .

صربستانده قورقورلر
پک آشکار

صربلیر ، ارتق کیریشدکلری ایشک وخامتدن
تماماً خبردار بولونیورلر . صربیلرک بوتون املی ،
یکی بازار سنجاغی اشغال ایتک وقرارداغله اتصال
پیدا ایلمک ایدی .

اوستریا ، صربیلرک تجاوزی حالده ، یکی بازار
سنجاغی اشغال ایدمک چکنی قطعاً بیلدیرمشدر . شو
حالده صربیلرک محاربه ایتملرنده بر معنا قلاماشدر .
شیمدی صرب اوباب تفکیری ، کنج صرب ضابطلر-
ینک هیجانلی خولالرینه تأسفلر ایدیورلر . عثمانلی ایله
چارپشمانک نه اولدیغی اونوتمان اختیار صربیلر ،
مغلوبیتی محقق بیلورلر .

خلاصه

اوروپا حکومتلرینک حیل وفته سی میدان چیقیدینی
ایچون وضعیت خطرناک ایدمه بالغان حکومتلرندن
بزه بر قتال کله میه چکی ارتق تحق ایتمکده در .
اردومزک کوستردیکی سرعت وحیت دشمنلرمزی
شاشیرتمشدر .

وطنداشلر ! امید ایدم ، لکن ، الله عشقته ،
آرتق قوتلرمزی نقاق وشقاقله انقسامه اوغراتمالم .
قلبلرک بر مقصد وامل اوغورنده توحید ضربان
ایتمه سی بویوک بر قوتدر .

همیز ، حکومتک موقیبتی تمی ایدم . زیرا
بو ، ملتک سلامتی تمی در .



خليفة مقدسمن پادشاهمن افندمن

حضر تلرینک

شانلی اردومزه بیاننامه هایونلری

دولت علیه مزک صلح پرورلکی جهانک معلوم
ومسلمیدر .

عثمانیلر هرملتک حقوقه رعایت ایدرلر ؛ ملتکده
بالمقابله حقوق عثمانیه رعایت ایتسنی ایستلر .

عثمانیلرک هیچ بر حکومت حقده سوء نظری ؛
سوء نیتی یوقدر ؛ بنابرین کندی حقوقلرندهده سائر
حکومتلرک شمار مصافانه مغایر حرکانده بولناملرینی
طلب ایتک حقلریدر .

عثمانیلر هیچ بر قومک سعادت ، ترقیاتی اخلاص
ایتمک ارزوسنده درلر ؛ کندیلرینک سعادتنه ،
ترقیاتنهده دیکرلرینک حائل اولسنی تجویز ایتزلر .

ملکتمزک محتاج اولدینی اصلاحاتک ، علی الدوام
مصادف اولدیغمز غوائل عظیمهیه رغماً ، بحسب
الامکان پی درپی اجرائیه اهلیمزک استکمال اسباب
سعادت واستراحتنه چایشمه قده اولدیغمز حالده وطن
عزیزمزه کوزلرینی دیکن و ترقیات تدریجیه مزک دوامی
امل غیر مشرورلرینک حصولی کیتدکجه ده زیاذه
تصعب ایدمک چکنی بیلن کوچک قوم مشرورلرمز ،
اصلاحات و ترقیاتمزک انکشافه مانع اولمق وغوائلمزدن
استفاده ایتک سوداسنه دوشمک توحید افکاروولایات
متجاورهمزه توجیه سوء انظار ایشلردر .

عثمانیلرک جلادت عالم پسندانسه باندفاعات جلوه کاه
اولان بلغارستان و صربستان و یونانستان وقره طاغ خیال
پرستاننک اقوام عثمانیه نك محافظه وطن ایچون الی
یوبوزقدرسنه درپردای ایتدکلری جانلرینی دشمنلرینه
نه قدر بهالی ویرمش اولدیغندن تغافل وممالکمزک
اقسام سائرهنده بعیدایکی ایالتمزک بر دولت معظمه
ایله بر سنی متجاوز مدنیرلی باشلی باشنه قهرمانانه
حرب ایتمکده بولدیغندن ده تجاوزل ایدرک سرحدلرمزه
قوای عسکریه سوقه قالشملری نکمبان شجاعت
مملکت وحامی حیت نشان ناموس ملت اولان عسکر
اولادمک سلاح آلتنه جمعنه مجبوریت حاصل ایتمشدر .
بناءً علی ذلک شیمدیلک برنجی وایکنجی مفتشکلر
داخلنده بولنن نظامیه ردیف ومستحفظ قطعاتنک
تماماً واوچنجی مفتشکلک داخلنده کیلرک قسماً حال
سفریری به وضعی ازاده ایتدم .

آباء واجدادکک ، سزک سعادتککز ایچون
مبارک قانلریله یوغوردقلری ؛ سزک استراحتکزی
ایچون عزیز جانلرینی فدا ایدرک بوکونه قدر حفظ
ایتدکلری خلک پاک وطنک مدافعه سی وظیفه مقدسه سی
بوکون سزه عائددر ،

هر ذره سی آباواجدادکک کک اجزای مبارکه وجودندن

مرکب اولان اومقدس طوبراقلری ، آبا واجدادککز
مغیر منورلرینی دشمن آیانده چکتمه مک ،
اولاد واحفادککک ملک مشروعی تجاوزاتدن محافظه
ایتمک عهدککزه متحکم برذمت مقدسه در .

دشمنلرمز سرحدلرمزه طویلانیورلر ، بتون
مقدساتمزی پامال ایتمک ، آباء واجدادککک میرائی الکزدن
آلغه ، اولاد واحفادککک سعادت محو ایلمک حاضر .
لانیورلر . اجداد عظامکک کی سزکده کک شجاعتله وطنی
محافظه ، ناموس ملتی مدافعه ایچون حدوده هان شتاب ایله
مادر وطنه اوزاتیله جق دست تجاوزی سیف جلاد .
دنکزلره کسهرک شانلی آباد واجدادککک ، طرابلس
غرب وبنغازیده حرب ایدن قرداشلر یکرک آنلرکی
ستایش جهانله لایق خیرالحق لری ، برادرلری اولد .
یغکزلی علمه کوستره چککزدن واجداد پاک ارواحککک
داستان حاستنه مذاقب مظفر باتکزی علاوه ایدمک ککزدن
امیم . جناب حقی سزی دایماً منصور ، عثمانیلرلی
فتوحاتککزه مسرور ایتسون .

امضای هایون

محمد رشاد

« حکمت »

جناب حقی ، معزز خلیفه مزک تمیاتی قبول ،
اردولرمزی مظفر ، ملتی منصور ومسعود بیورسون
آمین .



شون مهمه

یاشاسین شانلی شهزاده من

[شانلی عثمانک قانی ، عالیجناب مرادک وجدانی]
ولی عهد ثانی وحیدالدین افندی حضرتلری
دونکی نسخه مزده ، ولی عهد ثانی وحیدالدین
افندی حضرتلرینک میدان حربه کتمه دن فراغت
بیوردقلرینی یازمشدق . بواسطه خبرمزک تماماً یا کلش
اولدینی تحق ایتدی . شهزاده مشارالیه حضرتلرینک
میدان حربه کیتک اوزره حاصل اولان اشتیاقلری
قابل تعدیل دکلدر . هر حالده میدان حربه کیتک
آرزوی قطعیسنده در .

خلیفه ذیشانمز ، پادشاهمز افندمن حضرتلرینک
بو آرزوی عالیجنایانه نك فعله چیقمامسینه مساعده
بیوریللاجق لری امید ایدیورلر . عثمانلی شهزاده لرینک
میدان حریده بولونماسی ، بزه پک شانلی بر ماضی
خطرلانه جق وذاتاً حس فداکارینک تمامیه مشبوع
اولان ماتنی مفتخر ایدمک در .

شهزاده حضرتلرینک برنجیلنجیلری دنیایه
کلش وایحی « محمدارطغرل » تسمیه ایدلشدر .
انشاء الله بوشانلی یاورلی ، دهمه سی ارطغرلک حامل
مزایای علیایی اولور .

منی منی شهزاده ، اعلان حریدن برکون اول
دنیا به کلشدر . بو بر فال خیردر . وطنه دشمن هجوم
ایدرده روح ارطغرل ، نهان قایلرمی ؟